

Na osnovu člana 66. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 17. Zakona o novčanoj egzistencijalnoj naknadi ("Službene novine Srednjobosanskog kantona", broj 9/20), direktor Kantonalne uprave za braniocce donosi:

## PRAVILNIK O OSTVARIVANJU PRAVA NA NOVČANU EGZISTENCIJALNU NAKNADU

### Član 1. (Predmet)

Ovim Pravilnikom propisuje se način, uvjeti i postupak za ostvarivanje prava na novčanu egzistencijalnu naknadu demobiliziranih branilaca i supruge umrlih demobiliziranih branilaca.

### Član 2. (Podnošenje zahtjeva)

- (1) Zahtjev za ostvarivanje prava na novčanu egzistencijalnu naknadu podnosi se nadležnoj općinskoj službi za braniocce prema mjestu prebivališta podnosioca zahtjeva.
- (2) Zahtjev za ostvarivanje prava na novčanu egzistencijalnu naknadu osobe koje imaju prebivalište u općinama Mrkonjić Grad, Šipovo i Jezero podnose u općini Jajce.
- (3) Zahtjev za ostvarivanje prava na novčanu egzistencijalnu naknadu osobe koje imaju prebivalište u općinama Kneževo i Kotor Varoš podnose u općini Travnik.
- (4) Zahtjev se podnosi na obrascu koji je propisan ovim Pravilnikom.

### Član 3. (Uvjeti za ostvarivanje prava)

Pravo na novčanu egzistencijalnu naknadu može ostvariti demobilizirani branioc i supruge umrlog demobiliziranog branioca koji ispunjavaju uvjete propisane članom 4. i 5. Zakona o novčanoj egzistencijalnoj naknadi ("Službene novine Srednjobosanskog kantona", broj 9/20).

### Član 4. (Dokumentacija potrebna za ostvarivanje prava)

- (1) Uz zahtjev za ostvarivanje prava na novčanu egzistencijalnu naknadu prilaže se sljedeća dokumentacija:
  - a) Uvjerenje o prebivalištu,
  - b) Izvod iz matične knjige rođenih,
  - c) Izvod iz matične knjige vjenčanih (za supruge umrlih demobiliziranih branilaca),
  - d) Uvjerenje o pripadnosti Oružanim snagama,
  - e) Uvjerenje nadležne službe za zapošljavanje da se podnosilac zahtjeva nalazi na evidenciji nezaposlenih osoba najmanje dvanaest mjeseci prije podnošenja zahtjeva i ne prima novčanu naknadu za vrijeme nezaposlenosti,
  - f) Uvjerenje Porezne uprave o visini prihoda po osnovu izdavanja u zakup poslovnih ili stambenih prostora,
  - g) Izjava da nije užiivalac inostrane penzije,

- h) Uvjerenje nadležnog općinskog organa za socijalnu zaštitu o visini prihoda po osnovu stalnih mjesečnih primanja iz oblasti socijalne zaštite,
  - i) Uvjerenja nadležne općinske službe za branioce o visini prihoda po osnovu stalnih mjesečnih primanja iz oblasti branilačko-invalidske zaštite,
  - j) Potvrda banke sa brojem tekućeg računa podnosioca zahtjeva ili kopija tekućeg računa podnosioca zahtjeva.
- (2) Priložena dokumentacija treba biti original ili ovjerena kopija ne starija od mjesec dana.

#### Član 5.

##### (Donošenje prvostepenog rješenja)

- (1) Nadležna općinska služba za branioce vodi prvostepeni postupak i donosi rješenje u skladu sa odredbama Zakona o upravnom postupku ("Službene novine Federacije BiH", broj 2/98 i 48/99).
- (2) Rješenje kojim se priznaje pravo na novčanu egzistencijalnu naknadu podliježe reviziji.
- (3) Rješenje kojim se odbija zahtjev za ostvarivanje prava na novčanu egzistencijalnu naknadu ne podliježe reviziji.
- (4) Općinska služba za branioce prvostepeno rješenje kojim se priznaje pravo na novčanu egzistencijalnu naknadu uručuje stranci, te nakon isteka roka za žalbu dostavlja na reviziju kantonalnom organu uprave nadležnom za branioce.

#### Član 6.

##### (Revizija prvostepenog rješenja)

- (1) U postupku revizije, kantonalni organ uprave nadležan za branioce, može dati saglasnost na prvostepeno rješenje, može prvostepeno rješenje poništiti i vratiti na ponovni postupak ili može prvostepeno rješenje ukinuti i sam drugačije riješiti upravnu stvar.
- (2) Protiv rješenja o poništavanju i vraćanju na ponovni postupak ne može se pokrenuti upravni spor.

#### Član 7.

##### (Postupak po žalbi)

- (1) Prvostepeno rješenje na koje je izjavljena žalba nadležna općinska služba za branioce, zajedno sa spisom predmeta, dostavlja kantonalnom organu uprave nadležnom za branioce na daljnje postupanje.
- (2) Ukoliko kantonalni organ uprave nadležan za branioce rješavajući po žalbi protiv prvostepenog rješenja prizna pravo na novčanu egzistencijalnu naknadu, donošenjem rješenja po žalbi izvršen je i postupak revizije.
- (3) Protiv drugostepenog rješenja nije dopuštena žalba, ali se može pokrenuti upravni spor pred nadležnim kantonalnim sudom.

#### Član 8.

##### (Proglašavanje rješenja izvršnim)

Nakon što je u postupku revizije data saglasnost na prvostepeno rješenje, odnosno nakon što je prvostepeno rješenje pozitivno riješeno u žalbenom postupku ili upravnom sporu, nadležna općinska služba za branioce unosi osnovne podatke koji su neophodni za obračun novčane egzistencijalne naknade, skenira rješenje i isto proglašava izvršnim u Računarskom programu za obračun prava iz oblasti branilačko-invalidske zaštite.

#### Član 9.

(Isplata novčane egzistencijalne naknade)

- (1) Kantonalni organ uprave nadležan za braniocce dostavlja spiskove korisnika novčane egzistencijalne naknade i nalog za isplatu u kantonalni organ uprave nadležan za financije.
- (2) Kantonalni organ uprave nadležan za financije vrši uplatu novčane egzistencijalne naknade na račune korisnika otvorene u poslovnim bankama.

#### Član 10.

(Usklađivanje visine novčane egzistencijalne naknade)

Usklađivanje iznosa novčane egzistencijalne naknade sa rastom prosječne neto plaće isplaćene u Federaciji Bosne i Hercegovine iz prethodne godine vrši Vlada Srednjobosanskog kantona.

#### Član 11.

(Upravni i finansijski nadzor)

Kantonalni organ uprave nadležan za braniocce vrši upravni i finansijski nadzor ostvarivanja prava na novčanu egzistencijalnu naknadu.

#### Član 12.

(Upotreba osobnih podataka)

U postupku ostvarivanja prava na novčanu egzistencijalnu naknadu, kantonalni organ uprave nadležan za braniocce i općinska služba za braniocce, kao kontrolori u smislu odredbi Zakona o zaštiti osobnih podataka („Službeni glasnik Bosne i Hercegovine“, broj: 49/06, 76/11 i 89/11), vrše obradu osobnih podataka neophodnih za utvrđivanje identiteta podnosioca zahtjeva za korištenje prava na novčanu egzistencijalnu naknadu, uključujući jedinstveni matični broj građana.

#### Član 13.

(Troškovi postupka)

- (1) Troškove postupka u vezi sa ostvarivanjem prava na novčanu egzistencijalnu naknadu, snosi organ koji vodi postupak.
- (2) U postupku za ostvarivanje prava na novčanu egzistencijalnu naknadu ne plaća se taksa.
- (3) Na novčana primanja u vezi ostvarivanja prava na novčanu egzistencijalnu naknadu ne plaćaju se porezi i doprinosi.

#### Član 14.

(Ravnopravnost spolova)

Sve imenice koje se odnose na demobilizirane braniocce upotrebljene u ovom Pravilniku samo u muškom ili ženskom rodu, odnose se na oba spola.

#### Član 15.

(Obrazac zahtjeva)

Obrazac zahtjeva za ostvarivanje prava na novčanu egzistencijalnu naknadu nalazi se u prilogu ovog Pravilnika i čini njegov sastavi dio.

Član 16.  
(Završne odredbe)

(1) Na ovaj Pravilnik saglasnost daje Vlada SBK.

(2) Ovaj Pravilnik stupa na snagu narednog dana od dana objavljivanja u "Službenim novinama Srednjobosanskog kantona".

Broj:02-02-64/19-2

Dana:21.07.2020. godine

D I R E K T O R  
E S A D C R N I C A

---

(Prezime, ime oca i ime podnosioca zahtjeva)

---

(Broj lične karte)

---

(Adresa i kontakt telefon)

Srednjobosanski kanton/Kanton Središnja Bosna

Općina \_\_\_\_\_

Općinska služba nadležna za branilačko-invalidsku zaštitu

PREDMET: Zahtjev za priznavanje prava na novčanu egzistencijalnu naknadu

Obraćam Vam se zahtjevom da mi u skladu sa Zakonom o novčanoj egzistencijalnoj naknadi („Službene novine Srednjobosanskog kantona“, broj:9/20) priznate pravo na novčanu egzistencijalnu naknadu

Uz zahtjev prilažem sljedeću dokumentaciju:

- a) Uvjerenje o prebivalištu,
- b) Izvod iz matične knjige rođenih,
- c) Izvod iz matične knjige vjenčanih (za suprugu umrlog demobiliziranog branioca),
- d) Uvjerenje o pripadnosti Oružanim snagama,
- e) Uvjerenje nadležne službe za zapošljavanje da se podnosilac zahtjeva nalazi na evidenciji nezaposlenih osoba najmanje dvanaest mjeseci prije podnošenja zahtjeva i ne prima novčanu naknadu za vrijeme nezaposlenosti,
- f) Uvjerenje Porezne uprave o visini prihoda po osnovu izdavanja u zakup poslovnih ili stambenih prostora,
- g) Izjava da nije uživatelj inostrane penzije (ovjerena u općini),
- h) Uvjerenje nadležnog općinskog organa za socijalnu zaštitu o visini prihoda po osnovu stalnih mjesečnih primanja iz oblasti socijalne zaštite,
- i) Uvjerenja nadležne općinske službe za branioce o visini prihoda po osnovu stalnih mjesečnih primanja iz oblasti branilačko-invalidske zaštite,
- j) Potvrda banke sa brojem tekućeg računa podnosioca zahtjeva ili kopija tekućeg računa podnosioca zahtjeva.

**(Priložena dokumentacija treba biti original ili ovjerena kopija ne starija od mjesec dana).**

Shodno članu 5. Zakona o zaštiti osobnih podataka („Službeni glasnik BiH“ broj; 49/06, 76/11 i 89/11) kao nosilac gore navedenih podataka saglasan/saglasna sam da općinska služba nadležna za branioce i kantonalni organ uprave nadležan za branioce vrše obradu istih u svrhu rješavanja po ovom zahtjevu.

---

(mjesto)

---

(potpis podnosioca zahtjeva)

---

(datum)